

劉槎翁先生詩選卷之十二

七言絕句

英德江上

臘月炎州霜霰稀
清江白日燕交飛
四千餘里金陵路
何日征人度嶺歸

廣州雜韻

垂根榕樹三千尺
結子芭蕉百萬頭
異味薦盤隨地有
繁陰壓屋半天浮

筋竹長篙鐵木船
兩檣夾立引藤牽
越童狎水仍輕悍
蕩槳踏歌驚晝眠

越王臺榭已成原漢殿空餘鐵柱存莫倚兵戈憑海
嶠好勤忠孝答乾坤

下人陽烏石二瀧初聞猿聲

萬石崩騰互犬牙兩山盤沓欲橫遮瀧流直下三千
尺不見船頭見浪花
白日青崖烟霧生深林絕磴少人行殘年烏石瀧頭
路聽得山猿第一聲

過德慶憶劉公衡

錦裹石前江水流故人曾此戍康州當年旌節隨雲
散山鳥山花識舊遊

過梧州懷廣西僉憲王子戩胡子祺時分按各
郡

蒼梧浦口暫停舟聞在潯州與賀州無限好山雲霧
裏為君惆悵一回頭

至容州將赴北流聞陸川道梗題綉江亭

都嶠山前望北流丹砂勾漏若為求陸川更在浮雲
外落日旌旗生遠愁

宿胡塘村

南上荒原路欲迷數家茅屋背清溪夜深月落千峰
暗時有山禽樹上啼

粉壁道中

樹杪高崖盡插天
岩腰墜石半侵田
火燒山木斷平
路騎馬亂行江水邊

入高州界值雨

路入高州石迳微
紫崖崩處黑雲飛
行人初發青山
下盡折芭蕉作雨衣

化州聞戍卒夜歌

化州城上月如秋
聽着飲歌人自愁
何日歸帆向東
去陵羅江上正西流

題遂溪同由駟

山晚鴉啼木柵城
征人暫駐馬前旌
荒原漠上風沙
晚猶隔雷陽二日程

望海

獨上高原望海堤
黃雲白浪使人迷
無端路近青銅
港流水三條盡向西

過雷陽有懷永年胡蒼使奉寄一絕

去年與子南京別
知領益倉白石場
萬里相尋不相
見獨騎官馬過雷陽

吳司令友雲於磨
勘公廨隙地鑿兩池
以種蓮而植柳其上
五月過之見柳陰荷
花盛開既恨

不能久留又歎不能數往因賦二絕奉寄

小池陂兩斛泉也教插柳着春烟粉牆過午新陰
合時有清風一洒然

聞有高荷相次開綠雲深護紫霞杯公曹清切人難
到自繞池邊去復來

題沈子仁青山白雲圖

野橋流水乱浮花深巷垂楊淺蔭沙祗恨小船呼不
應隔江茅屋似吾家

題扇

清溪綠漲岸西東五月荷花似錦紅安得水亭楊柳

畔踈簾小扇坐薰風

偶賦

內官宣進瑞瓜詞閭闔門深晝影移東苑紅橋楊柳
下曾因待 詔立多時

九日寓因勝寺有懷曉上人渡江未歸

上人九月過開沙門掩虛庭白日斜好是重陽最相
憶隔牆無路看黃花

早離鎮江

禪林聞有諸方勝吏事慚無半日間京口五更鷄唱
乱又衝殘月過金山

題墨梅為省掾郭尚文賦

曾向花前倒酒卮
茅堂雪月澹相宜
一從省掖看圖畫
長憶故園花發時

題墨梅

仙人燦七雪肌膚
風格天然韻更殊
月落嶺南啼翠羽
春深洛浦弄明珠

正月元夕奉陪

車駕蔣山寺
祀佛夜歸追賦五絕

內宮飛騎入松林
寺裏華鍾吼法音
五百高僧齊上殿
紅袈裟裏間泥金

香臺百尺擁雕楹
一朵青蓮出紫庭
龍輦先登開善塔
鸞旗猶駐翠微亭

四蔭欄衫四帶巾
十人齊舞獻華珍
微雲獨洒山中雨
麗日昭回雪後春

泉溜盤桓石磴間
松枝如壓畫彎環
禪關猶揭前朝字
最愛襄陽第一山

旃檀霏霧繞龍衣
皮弁如星貫日輝
金絲連函烟裏散
鼓鏡千騎月中歸

題秋江釣圖

江雲漠七雨霏七
釣魚船邊秋鴈飛
九月京華看圖

畫好山何日賦將歸

題雲間圖為高負外賦

影落松林初散漫陰浮野水暫稀微時來天上從龍去五色祥光夾日飛

題墨梅贈友人歸毗陵

一枝寒影弄芳菲無數幽香上客衣好似水邊晴雪後醉吹玉笛送春歸

題秋江垂釣圖

湛湛長江上有楓江平日落見飛鴻安得酒船三百斛荷花蕩裏釣秋風

題雲山飛瀑圖

釣船閒倚落星灣飛瀑高懸紫翠間風雨不來雲氣淨絕勝湖裏看廬山

宗啓劉君由泰和知縣入為工部侍郎先時縣丞陳舉善為作山水圖以識別及會京師劉屬題詩其上余邑子也故云

贊府澄江送別時曾揮健筆寫淋漓只今西掖看圖畫江雨山雲捲去思

題墨菊為楊公輔賦

道人滴露調香墨寫出秋花一兩枝愁絕淵明愁未

醒短籬沽酒月明時

題練帶桃花扇面為韓敬明賦

仙鳥飛來練帶斜踏翻雲影碧桃花誰今天上傳消息春到瑤池阿母家

東阿道中

北上桐城日未斜人烟蕭瑟半風沙客懷千里愁冰雪三月東阿見柳芽

清明日所見

初日榆林聽鳥鳴微風拂面曉烟輕紙錢麥飯誰家子忽憶清明上塚行

參上榆柳帶烟蘿落日荒原狐兔多斷港已無流水過行人猶說古黃河

予自去冬閏十一月遣人還泰和迎候余弟子彥與家人借來今經九十餘日矣未知果來否燈下獨酌有懷悵然援筆題此俟余弟至而共讀之

南北相望路七千南風只有中鹽船故鄉消息何時發縱得書來是半年

稚子家人俱可憐江南烟水路綿上開船好是燒燈後下馬何由醉眼前

轉覺別來俱老大四年不見柰愁何直湏燈下狂呼
酒比較何人白髮多

昨日通州好語傳凌開已見上河船中怕有南來
客直遣相迎河水邊

更憶舍南篁竹邊長公相對結茅椽有時躡屐窺園
去長日拋書枕石眠

自起床頭數俸錢清人買秫釀冰泉牡丹開日應湏
到淨掃西軒待醉眠

群鳥乱啼蒼栢顛南窓對酒一悽然不知今夜燕臺
月何處荒江照客船

偶書

不見棊花思黯然蕭七塵土入新年白楊枝上垂纓
絡正是燕城二月天

題李兵曹竹石圖奉寄中翁長公

自捲新圖寄長公幽篁古木兩三叢燕城六月塵如
海得似南窓卧竹翁

題江亭秋望圖

江亭秋望渺衡湘碕岸楓林帶夕陽欲采蘋花愁遠
客白鷗飛去水茫茫

題春江載酒圖

...

錦石瓊沙不浣塵桃花楊柳滿江春畫船載酒遊何處絕似風流賀季真

過萬歲山下

海子空將萬歲山廣寒殿在碧雲間岩前無數長松樹惟有飛鴉日暮還

初晴

微雨初晴不作泥牡丹花發石欄西公庭過午文書靜坐聽林鳩自在啼

庭下牡丹盛開感賦一首憶徐呂二僉憲分巡未還

廿年不見壽安紅三月燕城霧雨中未省何人舊栽得斬新雨露聞春風

海子橋晚眺

海上青山七上雲空青錦綉自成文廣寒西下紅橋晚兩岸荷花一迳分

題黃淵靜贊礼墨竹紈扇

瀟洒頌臺贊礼即手持紈扇白于霜只今寫得篔簹竹清晝無風也自涼

秋雨口號

滿城風雨冷淒淒白楊葉飛烏亂啼馬蹄暗踏十街

水車轂深埋一尺泥

直北風來厲作威吹沙挾雨半空飛行人不慣張油

蓋茸帽氈衫信馬歸

命童子買酒看後庭晚菊

自數青錢送酒家瓦瓶細匕注流霞牡丹芍藥從渠

有莫負庭前瘦菊花

何日

楊葉落盡桑葉稀烏鴉夜啼風掩扉長年塞北風霜

早何日江南遊子歸

秋意

簾外纖塵寂不驚滿庭秋意坐來清閑門白日無人

過犬吠階前落葉聲

十月對菊

杏梨三月闌芳華不見深冬梅與茶欲識幽燕風景

異菊花開後更無花

狂風

陟頓風來刮地吹排窓推戶更褰帷居民土壁圍烟

火暖坑欹眠自不知

寒夜

馬斃枯菱寒夜長風如箭鏃射陰房不知門外三更

雪誤起開門看月光

歲暮戲東天英上人

殘年寄食尚天涯
風裂禪衣面撲沙
還憶故山晴雪
裏閒拖錫杖看梅花

題棧閣晴峰圖

曾聞劔閣上青天
棧道縈紆路幾千
更過隴頭聽流水
白雲西下自秦川

題畫

九華日照綠楊川
三峽雲深瀑布泉
安得草衣騎白鹿
碧桃花底訪神仙

四月承叔銘僉憲二絕句問西廳牡丹開未併
寄罌粟子令種之以娛目因戲用韻以荅之

惆悵乘駟客未回
杏花落盡牡丹開
西廳吏散文書
靜幾向花陰立紫苔

囊盛罌粟寄來遲
種得花開定幾時
賴有戎葵高一
丈淺紅深綠總宜詩

既四月末予西軒牡丹一枝最後開與戎葵掩
映特盛時叔銘適自保定歸隱若有相待之意
因命酌快賞叔銘再用前絕句勻為寄興不能
已仍用韻奉荅併憶呂本拙僉憲按事中山未

還歸日當共一笑云

戎葵花早牡丹遲剛值先生下馬時不便破除千斛酒也應勾引數篇詩

有客邯鄲久未回西廳無柰好花開當筵縱賞何由共日七開軒掃翠苔

叔銘以紈扇索余題詩因戲作叢竹于上仍繫以詩

家住江南青竹林別來無日不關心偶然寫向齊紈上便欲移床坐綠陰

題古木幽篁圖

瓊枝翠葉靜為鄰秀色娟娟絕點塵日暮天寒羅袖薄可憐空谷有佳人

秋日見鴈有感

居庸關前秋草新桑乾河畔是通津可憐無數沙場鴈箇箇南飛背着人

送別叔銘出順承門

送客出城秋已涼太行南上楚天長順承門外斜陽裏蕎麥花開似故鄉

題晦菴先生耕雲釣月四大字墨本為王敬之

賦

十角黃牛兩具犁
山南山北趁幽栖
杏花開後菖蒲
出春雨鶉鳩相應啼

獨移蘭棹釣滄灣
風細波澄夜景閒
却渡九溪歌九
曲不知月上浸亭山

七月一日得大兄去年九月所寄書其午魏直
夫來自京師聞大兄哀訃而未領家問是夕燈
下且信且疑輒賦絕句以寫悲愴

西風如雨入長楊
的的青燈伴夜長
一紙鄉書三四
讀不知清淚濕衣裳

望漢獻王陵

單家橋下雪橫冰
草樹連雲掠凍鷹
漢業已荒河水
在行人遙指敵王陵

阜城道中早行即事

飛鳥無聲萬木僵
黃沙蔽日響微霜
一翁驢背聯拳
坐鬚上堅冰數寸長

夜宿遠家店

柴門下馬日平低
蓐席蓬窓壁乍泥
寒夜老翁看客
慣青錢問酒過村西

入德州界

霜結沙塵凍不飛
榆林風定日熹微
客程已入山東

境漸喜居人識面稀

高唐州道中

北風吹沙官道長
兩傍楊柳間榆桑
何時走馬重來
此要看清陰六月涼

碌獨

碌獨雙輪至日斜
北風竟日卷黃沙
已添衣上塵三
斗誰料胸中書五車

觀野燒

牧童敲火枯柳根
青烟獵匕起荒原
田風吹入蓬科
去燒却東家桑棗園

野老

野老當門喜客來
旋燒新炕斫桑柴
自言土惡無甜
水五里分泉夜却回

至甜水舖夜宿水惡不可飲早趨高唐州

驅車甜水舖前宿
燎火夜乾衣上霜
忍渴不眠愁水
苦五更乘月過高唐

入東平渡北關外長橋見採樵冰上者

橋跨平湖一鏡開
群鷗欲下正徘徊
蕭匕蘆葦層冰
上猶有樵人踏雪來

東平道中問酒不可得

寒鴉啄雪行且飛東平道上行人稀炕頭黃酒那得
買冰下鯉魚空自肥

夜宿司徒舖以送徒喧雜鍋釜不空童僕不及
炊爨而去因憶嶺南舊事謾賦

憶從繡水入高州篁竹蕭七萬嶺秋道上行人敲石
火截筒炊飯也風流

余自北平赴

京十二月五日道出濟寧會伯高齊君於公館
君本唐縣人素擅碩吳之妙草上為余點貞觀
者咸以為肖而余獨覺其老醜也臨別賦絕句

三首奉答併柬趙晉卿夏時佐曹伯仁三先生
慶都山人齊伯高袖有五色之仙毫李白樓前忽相
遇便呼銀甕出蒲萄

我本山林麋鹿姿多君點染出清竒不知老去愁多
少但覺秋霜滿鬢絲

昨夜南關對月時客心如水向南馳京城北去猶千
里歲晏還家未有期

夜宿城南天井閘候水憶孟鄰王貳守時許為
余寫弄琴小像未至賦此以寄併柬府公趙大

參秉彛

京國南還水路遙，城陰復此駐蘭橈。
可憐關外重七閘，不放河流過魯橋。
目送飛鴻手撫絃，十年幽事已茫然。
誰知昨夜南歸夢，猶在雲山野水邊。

出趙村閘為魏鑑題墨梅

憶在江南處士家，每從雪裏見橫斜。
北來十月燕山下，却想梅花似雪花。

過黃河見隄岸有古墓雙石表感賦

河隄石表古來存，知為誰家守墓門。
舊塚已虛人世換，年七鳥鳥當兒孫。

過鷄鳴臺

鷄鳴臺下水禽啼，韓信城邊雪滿堤。
千里行人愁夜半，一船明月過河西。

將至徐州見人種樹者

舟下徐洪凍已開，故園遠在贛江隈。
家七春近栽楊柳，江上行人且未回。

淮安舟中夜聞吳歌戲作二絕

淮安城下霜月明，淮河船上唱歌聲。
誰遣此歌今夜唱，聲七只是怨郎行。

望郎歸近怨郎行，一步閨門萬里情。
辛苦寄書河北

去人言却在武昌城

題關山秋霽圖

關門迢逋通何處野寺依稀記昔年未擬爐峰看瀑
布直疑劍閣上青天

由邳州入房村

沙薄霜乾草不深蕭蕭榆柳冷無陰村園門巷皆雞
犬比似江南少竹林
層冰兩岸戲龍鱗先放河心一道春借問駟船行得
未南京楊柳待歸人

鳳村阻雪贈曲秀才

欲渡成山泛海槎鳳村夜半雪飛花何由倒捲滄溟
水淨洗扶桑看日華

劉槎翁先生詩選卷之十二終

嗣孫養性

道卿編次

劉槎翁先生詩選卷之十二

聯句

遊金精夜宿桃閣余與鄭同夫張燈置酒且飲
 且吟命田仲穎書之余二人飲益豪吟益奇趙
 伯友從旁醉卧聞喧笑聲忽躍起大呼好句好
 句仲穎亦時匕瞌睡不應羅孟文從傍大笑不
 已道士姜近竹以繼燭不給先退矣迨明綴之
 得五十韻

木落秋容靜天高旦氣清乾坤澄玉色雲霧豁金精
 招隱懷藁桂劉尋幽想茯苓委蛇緣澗壑鄭迢遞出

劉槎翁先生詩選

卷之十二

林

郊垆赤嶺酣朝旭劉青峰帶曙星箕管交石崦鄭蘿
薜蔭林亭峽口聞清唱劉崖陰見耦耕洞猿啼石裂
鄭山鶻掠雲平劉瑤草迷玄圃琪花藹赤城鄭老君
岩削劣劉仙女沼泓澄鄭玉几栖崖穩劉金床映戶
熒仙桃寧有種鄭石鼓自無聲蓮墜飄銀漢劉松蟠
偃翠樞綠簷風鐸亂鄭掛壁雨瓢輕木鶴遙占斗劉
銅龍並拱衡殿標唐歲月鄭地擁漢精靈鳳詔雲霞
煥劉龍章日月精寒帷瞻綽約鄭隔水望娉婷劉奕
奕青霞服飄七赤羽旂鄭來鸞朝解佩騎虎夜吹笙
縹緲何由遇劉荒唐孰可名悲歌傳下土鄭遺迹渺

飛駢劉王紀長沙系兵行百粵征鄭委禽懷戀七鑿
石感錚七劉仙偶真難匹師昏竟莫成斷雲空有望
鄭流水故無情已矣遺祠廟蒼然肅殿楹劉莓苔沾
玉座塵網拂珠纓鄭明鏡沈秋澗殘碁委石枰劉尋
真怜夢窈撫事覺心驚鄭映日蚕崖瘦綠雲鳥道橫
劉躋攀愁獨坐歌嘯混同行鄭剪燭當清漏携尊近
翠屏劉絕襟從客醉移席任渠爭鄭酌倡兼諧謔登
臨任送迎劉孟文頻絕倒仲穎故沉寘鄭思苦心應
嘔眠遲眼屢瞠劉吟教劉楚啞聯到趙堦醒鄭月冷
茶烹栗霜寒瓜剖瓊劉風從鍾後息泉共醉時聽鄭

磨石須題姓劉臨池欲寫經鄭繼膏愁道士授簡媿
諸生劉林鳥寒初定岩扉夜不扃鄭楫欄高瑟上黃
竹乱琤上劉天地真寥沉朋游此合併鄭百年成過
鳥一夕感浮萍劉野迥參初轉鄭庭空露向零劉長
吟倚空闊吾欲訪蓬瀛鄭

露坐南城石橋與鄭同夫羅孟文聯句

雲透月微明羅風澄露初泫劉川容淡水物荷氣沁
階薛鄭更深喧漸息慮滌情自遣劉宿鳥寒不飛羅
流星下遥嘯鄭

湖亭午宴與曠達歐陽銘蕭曙聯句三十韻

林館衆綠淨微風濯煩敲 眷言集群彥清讌永崇
朝 禮尚匏樽儉惟逾錦瑟調 初筵陳旅語雅韻
接仙韶磊落高懷瀉踈狂逸興飄 炙鮮香溢鼎注
玉色翻瓢 斟酌煩童豎歌呼狎友僚 楊梅紅欲
滴山韭翠初挑 坐倦輕絳解吟酣小扇搖 雲態
塵不到雪梳暑全消 憇渚仙禽迥穿簷海燕嬌飛
飛渾不定 矯上詎能招 慈竹秋陰近官槐莫色
遙 居便人事簡貧愛客情饒閉戶仍投轄携壺更
解貂 習池寧足戀謝墅故難邀 自撫便上腹誰
呼媯上腰 青雲期放曠白髮任飄蕭 崧也泥途

登樓雜詩先生言選 卷之十一 十一

迹銘乎玉雪標 那能終隱逸端可上雲霄 萍梗
嗟良會蓬蒿托聖朝 赤心元皎潔丹禁自岩堯
伏諫青蒲切趨班王筍超 鷄鳴天闕道龍躍海門
潮 結駟陪官署聯鑣出使軺北遊尚塵土幽事且
漁樵 勝會寧辭數狂歌故不驕 孟行湏泛七瓶
罄莫寥七蕪圃連花塢徐亭帶柳橋他年晉雅韻應
得繼風謠

湖上聯句

次公不解飲越石最能詩讓短句從誰賦空觴祗自
持崧晴雲低過雨斜日上高枝近寺鐘聲起歸鞍木

可期蕭

湖上聯句同常允讓黃肅伍理

踈雨湖邊過讓涼風柳下來肅隔堤漁網出理別浦
酒船回崧遠樹來江闊讓殘雲帶暝開理曾臺歌吹
發猶恐暮鐘來崧

聞黃子邕數日出飲不歸因與劉昂子鉉張智
子明聯句戲柬之併寄楊憲史伯謙

三日不見黃子邕使我茅塞于心胸昂書床虛連竹
色淨酒竿閒覆柳陰濃崧每于月下重相憶何事湖
邊獨不逢智急欲移書楊憲史山房湏遣白雲封崧

南園聯句同王佑曠達劉霖蕭謀

絡緯聲如勸飲佑篔簹青好題詩達風轉銀燈不動
崧月來瑤席頻移謀草色亭西晚迢佑水聲籬外秋
池霖此夕龍灣佳會南樓千載襟期崧

北園池上聯句

池上月涼秋似洗遠城頭漏轉夜如年佑枳林不動
風初定謀草葉低垂露正圓崧移席偶臨流水坐達
鈎簾還對落星眠佑幾時吹笛芙蓉底更向龍灣棹
酒船崧

再賦

池館月初上幽人時獨行崧焉知竹林下有此木屐
聲霖

白雲軒聯句

至正丁酉五月念二日大梁常允讓盱江黃
肅邀余訪伍理於東湖之上時暑雨初霽綠
陰正繁坐白雲軒中酌酒論文情興甚洽允
讓嘆時事之方殷感朋友之不偶乃相屬聯
句得二十韻宛轉成篇音韻諧適仍命曾沂
就景為圖成錄詩其上非敢以誇時彥於
方來亦將以識嘉會於斯日也詩曰

瀟洒青雲彥幽居隔柳樊 湖陰通曲迳苔色上高
 垣簾捲南薰入窓含夏蔭繁 脫巾投玉塵移席倒
 匏樽 涼雨荷香度晴雲樹色屯芙蓉交翠葉 薜
 荔引芳根 雪鬪烏絲細霜毫玉筯完 龍鵝從換
 帖愛鶴敢乘軒 休日欣良覲高懷得細論 堆盤
 朱實潤溢砌紫蘭翻 屬坐儀如鳳揮觚捷勝猿
 雄文三峽水壯志九溟鷗 酒暈開愁頰茶香醒滯
 魂 風塵江海暗戎馬道途喧 杜子無家久張君
 有舌存丹心依魏闕 清夢繞天閭 寥落悲時事
 飄零愧弟昆 盍簪萍梗日曳履縉紳門 句壓弥

明鼎宴同桃李園 銀屏酣坐穩鸚鵡可鯨吞

晚涼同常伯敬黃子邕過楊伯謙湖上書舍值

伯謙出未歸子邕買小酌聯句

酌酒湖陰晚劉移床竹迳涼黃高荷凌水碧常幽草

入林香劉問字過從數常聯詩笑語長黃却懷楊憲

史騎馬出東坊劉

同張孟蕪蕭子所焚香夜坐同賦線香聯二十

韻

齋居澹心情分火試香縷張織七五綵纏烟七衆星
 吐劉初聞疑襲芳細辨湏按譜張千條揉金枝百和

雜瓊乳劉本非龍涎收豈與雞舌伍張烟聯玉繩直
 霧裊金莖古劉月斜忽透迤風度自飄舞張氤氳起
 絲髮宛轉散毛羽劉眩眸訝窺螢拂鼻欲停塵張麝
 臍遠近發狼燧高下舉劉縹車不可收著草遠堪取
 張焰含怪鎗爰燼過惜糾組劉焦頭恍莫救燃指繁
 可數張蕭莖引初炳艾劑消微炷劉袖携憶朝回地
 落驚夜午張蘭膏既異資庭燎亦殊炬劉吟長搜韻
 險坐久攪懷苦張雲冷博山空劉城樓已三鼓蕭

玉兔泉有引

洪武五年秋九月十有五日上酉余與仲

子璩過張孟兼於成均秉燭對坐孟兼方命
 侍史汲玉兔泉淪茗俄熊鼎劉崧周子諒皆
 集相與談詩至愜心處輒抵掌咲譁呂仲善
 聞之亦驩然來會既啜茗已孟兼出新造玉
 兔泉銘諷之且曰今夕何夕勝友如雲不可
 無以為娛請舉泉聯詩何如衆皆曰然余年
 有一日之長俾題其首句餘則以次而續闢
 險據勝闕七弗能休至二鼓詩成各擁枕就
 榻建雞再號風雨淒迷載途官事有程皆不
 告而去余亦騎驢去朝天矣明日孟兼將屬

璩作小楷繫詩于銘左徵予為之引於乎人
 事聚散如風中飛花其迴旋飄泊曷嘗有一
 定之迹今幸得與二三君子岸幘詠詩輾然
 而一咲豈非天哉然此七人之中楚產者大
 半獨余父子與孟兼君越西相距僅半舍他
 時或先後抽簪而歸支九節筇訪孟兼白石
 山房遡咏諸賢立霄漢上欲一見不可得取
 此卷閱之恍如聚首成均時寧不有憫于寂
 寥之鄉也耶孟兼子諒仲善皆以字名熊君
 字伯穎劉君字子高余則南 散吏金華宋

景濂也

成均地何靈聖澤資灌沃 濂兔奔兆竒徵井滌發新
 斲昂自非三窟深孰湛一泓綠兼儲精本從金生色
 絕勝玉諒霜唇蘸寒飲雪毳翻夜浴崧釀冽補酒經
 沐丹驗仙錄善杵春蟾宮棄珠噴鱣堂觸璩孕月生
 陰津觀天漏晴旭濂水澄毛骨堅鑑徹鬚眉燭昂鏡
 名徒自竒檜行穢難贖兼雖涵東郭狡難洗上蔡辱
 諒引滿瓶未羸探幽綆頻續崧流鬣滲銀床出竇濺
 瓊粟善醉沃目暈花凍吸指連彖璩濡毫乃自潤照
 影從人欲濂光沉天上魄祥啟地中躅昂擣薜挹餘

清盟薦侑佳告諒
劔刺非貳師池移豈身毒兼燕支
愧淫陳監鹵鄙富蜀崧不動疑雪窪長搖咲風燾善
天光一眼開雲影片鱗束璣劇燕覺疹瘰廢足想彳
于瀟感沸虎瓜跑軒吸猿臂曲昂繫士濯冠纓渴卒
卸刀觸諒精當卯君降液或并宿督兼誰知鍾阜分
脉與伊洛屬崧錫名尔固佳戰句吾何局善聯將指
鼎比疾勝擊鉢促璣驚風落燈燼斜月墜檐曲靈源
詎能窮短韻聊可錄

劉槎翁先生詩選卷之十二終

嗣孫養性

道卿編次